

Siunnersummut oqaaseqaatit

Oqaaseqaatit nalinginnaasut

1. Aallaqqasiut

Inatsisartut upernaakkut 2022-mi ataatsimiinnermi suliffissarsiortunut ikorsiissutit pillugit Inatsisartut inatsisaat (immikkoortoq 23) aamma pisortanit ikorsiissutit pillugit Inatsisartut inatsisaat (immikkoortoq 24) akuersissutigivaat. Inatsisartut inatsisaat marluk atortuulersinneqassapput ulloq 1. januar 2023.

Tamatuma kingorna kommuninik oqaloqatigiinnermi kommunit tungaanniit ernumassutigineqarpoq, atortuulerfissatut ulluliussaq siullermeertumik akuersissutigineqartoq naleqqunnersoq.

Tamatumunnga atatillugu kommunit oqaaseqarput, IT atorlugu aaqqissuussat pisariaqartut aallartisarnermut piffissaq atorneqartoq naammannersoq naatsorsuutigineqanngitsoq, immikkoortitaakkat pillugit piumasaqaatit sularineri, sularinnittussarsiuussinerit ingerlannissaat kiisalu pisariaqartumik piareersaanissaq aamma tamatuma piviusunngortinnissaat pisariusut.

Tamanna tunngavigalugu aamma Naalakkersuisut kommunillu tallimat akornanni politikkikkut misissuinerit kingorna illuatungeriit isumaqatigiissutigaat, pisortanit ikorsiissutit pillugit Inatsisartut inatsisaat aamma suliffissarsiortunut ikorsiissutit pillugit Inatsisartut inatsisaat pillugit Naalakkersuisut atortuulersinneqarnissaat ukiup affaanik kinguarteqqullugu qinnutigissagaat, taamaalilluni Inatsisartut inatsisaat aatsaat ulloq 1. juli 2023-mi atortuulersinneqarlutik.

Tamanna tunngavigalugu Naalakkersuisut Inatsisartut inatsisaattut siunnersuut sularivaat aamma pisortanit ikorsiissutit pillugit Inatsisartut inatsisaata aamma suliffissarsiortunut ikorsiissutit pillugit Inatsisartut inatsisaata atortuulersinnissaasa kinguartinneqarnissaat pillugu siunnersuutip matuma Inatsisartut siulittaasoqarfiannut kingusinaartumik nalunaarutigineqarnissaai immikkut qinnuteqaatigalugu.

2. Siunnersummi immikkoortut pingaarerit

Siunnersuutip pisortanit ikorsiissutit pillugit Inatsisartut inatsisaata atortuulersinneqarnissaanut ullua ukiup affaanik allanngortippaa 1. januar 2023-miit 1. juli 2023-mut. Inatsisartut inatsisaanni ikaarsaarnermi aalajangersakkat ilanngullugit ukiup affaanik kinguartinneqarput.

Tamatuma saniatigut suliffissarsiortunut ikorsiissutit pillugit Inatsisartut inatsisaata atortuulersinneqarnissaanut ullua ukiup affaanik allanngortinneqarpoq 1. januar 2023-miit 1.

juli 2023-mut, taamaalillutik Inatsisartut inatsisaat marluullutik ataatsikkut atortuulersinneqassallutik.

3. Pisortanut aningaasaqarnikkut allaffissornikkullu kingunerisassai

Nunatta karsianut 2023-mut aningaasartuuteqassaaq 8,5 mio. kr-inik, inatsimmillu siunnersummi siullermiit 2,5 mio. kr-inik ikinnerullutik. Tamanna pissuteqarpoq ukiumut aningaasartuutit 11 mio. kr-it affaannanngortinneqarmata, inatsit aatsaat 1. juli 2023 atortuulersinneqassammat 1. januar 2023-miunngitsoq. Tassunga atatillugu 2023-mi kommunini allaffissornikkut sipaarutaasussat 3 mio. kr-it atorunnaarsinneqarput.

4. Inuussutissarsiortunut aningaasaqarnikkut allaffissornikkullu kingunerisassai

Siunnersuut inuussutissarsiortunut aningaasaqarnikkut allaffissornikkullu kingunerisassaanik soqanngilaq.

5. Avatangiisinut, pinngortitamut aamma inuiaqatigiit peqqissusaannut kingunerisassai

Avatangiisinut, pinngortitamut aamma inuiaqatigiit peqqissusaannut kingunerisassaanik soqanngilaq.

6. Innuttaasunut kingunerisassai

Siunnersuut malitsigissavaa, ullumikkut inuit pisortanit ikorsiissutit pillugit Inatsisartut inatsisaat malillugu ikorsiissutinik pisartagaqarnissamut pisinnaatitaasut malittarisassat atuuttut malillugit pisartagaqarnerat ingerlaannassasoq aamma pisortanit ikorsiissutit imaluunniit suliffissarsiortunut ikorsiissutit pillugit malittarisassat nutaat ulloq 1. juli 2023-mi atuutilernissaata tungaannut.

7. Pingaaruteqartunut allanut kingunerisassai

Siunnersuut pingaaruteqartunut allanut kingunerisassaanik soqassanngitsoq naatsorsuutigineqarpoq.

8. Tusarniaaneq

Siunnersuut tusarniaassutigineqanngilaq, siunnersummi Inatsisartut inatsisaasa marluk atortuulersinnissaannut ulluisa allannguutaat kisimik pineqarmata imarisaanillu allannguinerterik malitseqanngimmata.

Siunnersummi aalajangersakkat ataasiakkaat pillugit oqaaseqaatit

§ 1-imut

Nr. 1-imut

Aalajangersakkap aalajangersarpaa, pisortanit ikorsiissutit pillugit Inatsisartut inatsisaat atortuilersinnejassasoq ulloq 1. juli 2023.

Nr. 2-mut

Imm. 1-imut

Pisortanit ikorsiissutinit siumoortumik pisartagaqarnermiit ikorsiissutinik annertussusileriikkaniq kingumoortumik pisartagaqalernermut ikaarsaarnermi pisortanit ikorsiissutinik pisartagaqartoq qaammat ataaseq aningasaateqassanngilaq. Aalajangersakkap aalajangersarpaa, siumoortumik ikorsiissutinik annertussusileriikkaniq immikkut tunniussisoqassasoq ikorsiissutit annertussusileriikkat qaammatip affaanut tunniunneqartartut amerlataqaanik.

Imm. 2 -mut

Pisortanit ikorsiissutit annertussusileriikkat 15. juli 2023-mi tunngaviusumik akigititaq atorlugu aamma iliuusissatut pilersaarummut tapeq siumoortumik immikkut tunniunneqassapput ikorsiissutit annertussusileriikkat qaammatip affaanut tunniunneqartartut amerlataqaanik.

Imm. 3-mut

Ikorsiissutit annertussusileriikkat, tak. imm. 2 aamma 3, tunngaviusumik akigititaqarput, tak. § 22, imm. 1-imiit 3-mut, aamma tapeqarsinnaallutik, tak. § 24. Aningaasarsiat tunngavigalugit ilanngaasoqassanngilaq, tak. §§-it 25 aamma 26. Inunnut angerlarsimaffiup avataani pisortat aningaasartuutaasunik akiliiffigisartagaani sivisunerusumik najugaqartunut, ilanngaanneqartassapput, tak. § 27.

§ 2-mut

Nr. 1-imut

Aalajangersakkap aalajangersarpaa, suliffissarsiortunut ikorsiissutit pillugit Inatsisartut inatsisaat atuutilersinnejassasoq ulloq 1. juli 2023.

§ 3-mut

Aalajangersakkap aalajangersarpaa, Inatsisartut inatsisaata saqqummiunneqarnerata aqaguani Inatsisartut inatsisaat atuutilersinnejassasoq.

Ilanngussaq 1

Inatsisissatut siunnersuut inatsimmut atuuttumut naleqqiullugu	
<i>Oqaasertai atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Pisortanit ikorsiissutit pillugit Inatsisartut inatsisaanni nr. 6, 20. juni 2022-meersumi imatut allannguisoqassaaq:</p>
” § 57. Inatsisartut inatsisaat ullormi 1. januar 2023 atuutilissaq”	<p>1. § 57, imm. 1, ima oqaasertalerneqassaaq: ”Inatsisartut inatsisaat atuutilissaq ulloq 1. juli 2023.”</p>
” § 59. Ullormi 1. januar 2023 qaammatip affaanut siumoortumik ikorsiissutinik annertussusileriikkanik tunniussisoqassaaq. <i>Imm.</i> 2. Ullormi 15. januar 2023 qaammatip affaanut siumoortumik ikorsiissutinik annertussusileriikkanik tunniussisoqassaaq. <i>Imm.</i> 3. Ikorsiissutit annertussusileriikkat 2023-mi januarip qaammataani tunngaviusumik akigititaq atorlugu tunniunneqassapput, takuuq § 22 aamma iliuusissatut pilersaarummut tapeq, takuuq § 24 aningaasarsianut ilanngaat ilanngunnagu, takuuq § 25 aamma 26. § 27 assigisaanik atortinneqassaaq.”	<p>2. § 59 ima oqaasertalerneqassaaq: ” Ullormi 1. juli 2023 qaammatip affaanut siumoortumik ikorsiissutinik annertussusileriikkanik tunniussisoqassaaq. <i>Imm.</i> 2. Ullormi 15. juli 2023 qaammatip affaanut siumoortumik ikorsiissutinik annertussusileriikkanik tunniussisoqassaaq. <i>Imm.</i> 3. Ikorsiissutit annertussusileriikkat 2023-mi julip qaammataani tunngaviusumik akigititaq atorlugu tunniunneqassapput, tak. § 22 aamma iliuusissatut pilersaarummut tapeq, tak. § 24 aamma aningaasarsianut ilanngaat ilanngunnagu, tak. § 25-26. § 27 assigisaanik atortinneqassaaq.”</p>
	<p style="text-align: center;">§ 2</p> <p>Suliffissarsiortunut ikorsiissutit pillugit Inatsisartut inatsisaanni nr. 7, 20. juni 2022-meersumi imatut allannguisoqassaaq:</p>
” § 34. Inatsisartut inatsisaat una atortuulerpoq ulloq 1. januar 2023.”	<p>1. § 34, imm. 1, ima oqaasertalerneqassaaq: ”Inatsisartut inatsisaat una atortuulerpoq ulloq 1. juli 2023.”</p>
	<p style="text-align: center;">§ 3</p> <p>Inatsisartut inatsisaat saqqummiunneqarnerata aqaguani atortuulersinneqassaaq.</p>